


DIEPER



WYER



Moet ek bid?

7 April 2024

Ds. Ian Dubery

Ian.Dubery@moreleta.co.za

Inleiding

Fellowship – 25 min

Verwelkoming & Gebed:

Gee minstens 2 persone kans om te bid.

1. Is daar iets die week wat gebeur het waarvoor jy dankbaar is?
2. Watter uitdagings het jy hierdie week gehad?
3. Wat het vir jou in die preek uitgestaan die naweek?

Indien die Here laas week met jou gepraat het oor iets wat jy moes gaan doen, deel dit met die kring.

Gee minstens 2 persone kans om te bid. Ons bid vir mekaar se uitdagings en sê vir die Here dankie vir dit waarvoor ons kan dankbaar wees.

Ons sien gebed baie keer as 'n eenrigting kommunikasie waar ons as mense met God praat, maar gebed is in eenvoudige woorde meer as eenrigting kommunikasie– dit is 'n twee-gesprek (praat en luister) met God. Hierdeur ontvang ons 'n lewegewende opdrag van die Here: Bid!

Hierdie twee-gesprek gebed is 'n kommunikasiemedium waarbinne ons verhouding met die Here groei, verdiep en versterk.

Ons onderskat dikwels die waarde van hierdie kommunikasie.

Lees saam

Die Woord – 30 min

Skrifgedeeltes: **Jakobus 4:2-3; Jakobus 5:13-20; Matteus 7:7-11**

 [Leer meer / kyk weer](#)



[Klik hier om weer te kyk.](#)

- Een persoon lees die gedeelte.
- 'n Tweede persoon vertel die verhaal so volledig moontlik. Dit is nie 'n intelligensie toets nie. Die doel hiervan is om net 'n geheelbeeld van die gedeelte te kry. Moenie die gedeelte opsom of jou opinie gee van wat hier staan nie. Vertel so feitelik moontlik wat hier staan.
- 'n Derde persoon lees die gedeelte 'n tweede keer.

NB: Die fokus is op wat in hierdie spesifieke Skrifgedeeltes staan. Probeer om so min as moontlik van kruisverwysings gebruik te maak – om nie ander Skrifgedeeltes by die bespreking van hierdie spesifieke Skrifgedeeltes in te sluit nie. Vra die Heilige Gees om julle te leer. Vermoë ingewikkelde teologiese debatte. Die basiese vraag is: Here, wat wil U vir my sê uit hierdie spesifieke Skrifgedeelte?

Gesels saam

Bespreek die Skrifgedeeltes aan die hand van drie vrae:

1. Wat leer ons van God in hierdie gedeelte?

(Hoe openbaar God Homself aan my: Wie Hy is, Sy karakter, werke, bevele, beloftes?)

2. Wat leer ons van onself/ander mense uit hierdie Skrifgedeelte?

(Wat verwag God van my volgens hierdie gedeelte – bv. om te vergewe, groei in my verhouding met Hom, gehoorsaam te wees, en in 'n verhouding met Hom te leef? Wat moet in my lewe verander? Wat is my verantwoordelikhede?)

3. 'n Baie sinvolle vraag om te vra, is: Waarom dink jy is hierdie gedeelte in die Bybel?

Moet ek bid?

7 April 2024

Ds. Ian Dubery

Gesels saam

1. Wat is na jou mening die eindresultaat van Gebed of anders gestel wat ontvang jy wanneer jy bid? Bespreek
2. Party mense ontvang wanneer hulle bid en ander voel asof hulle teen 'n plafon vasbid- Hoekom dink jy dit so?
3. Deel met mekaar jou siening/interpretasie van gebed waarmee jy groot geword het teenoor hoe jy gebed nou sien.
4. Het korporatiewe gebed plek in ons gemeente en indien wel, op watter maniere sou julle as groep dit ondersteun- Stuur julle antwoorde na gebed@moreleta.co.za

Doen saam

Gehoorsaamheid - 20min

Nadat julle die teksgedeeltes bestudeer het, wat voel julle vra die Heilige Gees van julle om te doen?

Omdat dit God is wat hier praat, moet ons reageer. In hierdie gedeelte van die groepsbyeenkoms gaan ons oor van inligting na. gehoorsaamheid: Is daar iets wat in jou lewe moet verander in die lig van julle bespreking van hierdie Skrifgedeeltes?

Wat is daar wat jy in die komende week moet doen na aanleiding van julle bestudering van hierdie Skrifgedeeltes? Hoe kan jy 'n seën wees vir ander mense rondom jou?

Wees baie spesifiek. Almal in die groep reageer op die Woord met 'n **I will statement** vir die week en deel dit met die groep. 'n **I will statement** is 'n persoonlike verbintenis tot wat jy in die komende week prakties sal doen in gehoorsaamheid aan wat die Heilige Gees vir jou sê.

Wat sê die Woord moet ek gaan doen hierdie week?

Hierdie gedeelte is waar die hele proses van dissipelskap en dissipelmaking staan of val. Hier beweeg ons van dit wat ons in die Woord ontdek het, na gehoorsaamheid aan Hom.

- Waaroor het die Here met my gepraat in hierdie Skrifgedeelte waaraan ekself prakties in moet aandag gee? (INWAARTS)
- Hoe gaan ek hierdie week vir mense rondom my tot seën wees? Wat het ek uit hierdie Skrifgedeelte ontdek wat ek prakties moet gaan doen? (UITWAARTS)
- Besluit om as groep die Donderdag aande Kampus gebedsgeleentheid 18:00 in Revive Restaurant by te woon.

I Will Statement:

Bid saam

Bid saam as 'n groep.

Wanneer ons bid, staan ons in die teenwoordigheid van God. Dit is die belangrikste gesprek van julle tyd saam. Moenie hierdie gebedstyd verwaarloos nie. Bid ook ·Vir die redding van ongelowiges; ·Vir die land en die verkiesing wat voorlê; ·Vir mekaar; ·Dat vrede en dankbaarheid elkeen wat glo se deel sal wees

Neem tot 15 minute vir gebed. Ons bid vir die mekaar oor ons I will statements – dat die Here elkeen sal help met wat hulle beleef die Here sê hulle moet doen.

Hier bid ons ook vir mekaar se behoeftes:



Navrae

kringe@moreleta.co.za
012 997 8100

Algemene info
info@moreleta.co.za
012 997 8000



Hulp?



Bid saam

Gebedsversoeke
076 351 8383
gebed@moreleta.co.za